

ЯКСТЕРЬ ГАЛСТУК



ЯКСТЕРЬ ГАЛСТУК

(Красный галстук)
ЖУРНАЛСЬ

Лисенди 7-це кизось

4-це №
АПРЕЛЬ
1939 к.

Пионеронь и школьниконь эрь
ковня лисенди журнал.
НОЛДАЙНЗА: ВЛКСМ-нь
Мордовский обкомсь и
МАССР-нь НКП-сь

Ответ. редакторсь Н. ТИШКИН
Лит. редакторсь А. ЧЕКАШКИН

НОМЕРСА СЬОРМАТФ:

Е. Яхнина, М. Зорин—Кри-Крись	1
В. Губарев—Отрядонь председателсь Морозов Павелсь	8
М. Хоменко—Карзи	13
Г. Ельмеев—Сталинти	16
„ Джамбулти	—
А. Малькин—Шовдава	17
И. Девин—Сиде моронят	—
И. Кшняков—Садса	18
„ Цяцянят	19
А. Малькин—Панчса вальмязень	20
В. Лобанов—Сиде моронят	—
Содасак ли тон?	21



Евгения Яхнина
Михаил Зорин

Кри-Крись

РАССКАЗ
1871к.

VII

Вете шида меле Дидье мадамть „Веселый Сверчок“ кафец ульсь мазыста наряжаф. Кри-Крись ульсь аф веселай. Веселай и жизнерадостнай цёранять тачи, кода на-рошна, ашезь кирдев эсь пряц. Мекольдень шинь визьксфтома ша-вондоматне, сембе ся, мезе нйась нят шитнень пингста цёранясь, нинге сядя пяк кемокстазь сонь прязонза Коммунать сят счастли-вай шинзон, мзярда кажнайсь ма-рызе эсь прянц свободнай гражда-нинкс.

Дидье мадамсь апак шарьхкодть кепсесь лафтувонзон эса:—аф шарьхкодсь, мезе тиевсь цёранять мархта! Неужели скучендась кель-гома Жозеф батянцты, конац имась али бди шавф.

Кри-Крись срхкась куцемать ши-рес, конац вяти сонь коморказонза. Дидье мадамть вдрук мезе бди лядсь мялезонза, лоткафтозе Кри-Крить.

— Сака сей, мон тейть мезевок азан.

Дидье мадамсь серьгадезе сонь суронц мархта, аердсь кафеть ич-козде уженцты, ванозе, што мала-са кивок аш и корхтазевсь.

— Кулхцонт, мяляфтсак тон— Коммунать васенце шинзон пингста, мзярда „синь“ тевсна мольсть лац— „Сверчокть“ стенанза аф тяфта ульсь наряжафт, кода тяни,—Ди-дьесь гордость мархта ванць кафеть эзга.

—Кода ина, мяляфтса,—мярьгсь Кри-Крись.—Но тон напрасна арь-сят, што тя ватракшсь...—Кри-Крись кяжденза няфтезе сурса Тьерть пор-третонц,—мазепнесы минь кафене-конь.

— Тят болтанда глупость, —кя-жиясь хозяйкась.—Тонь мнения-ценъ аф кизефнесазь. Мон йоран азомс тейть илянъ колга. Тяса мзяр-да-бди повфнефтольхть. Дюшен Отецть плакатонза. Мон эстакиге шарьхкодень, што Коммунась ламос

аф эряви и йорайне синь плхтамс. Тон, кода и иля умникне, тяди ашеть веронда. Минь синь прдай-нек эста тонь подвалозт, мяляфт-сак?

— Кода аф мяляфтса?—Кри-Крить седице марязе, што Дидье мадамсь тянь колга корхтай аф стак.

— Так вов, адька тонь подвалозт и керьмодтяма тя тевти. Эрявихть синь курокона машфтомс.

— Кри-Крись аф азомшка эводсь. — Мезе тон, мезе, мадам Дидье, тейть аф ярашты модемс подвалу.

— Тя мес тяфта? Ашеть думанда ли тон кодамовок каверза?

— Да аф, аф,—отвечась Кри-Крись?—Тон юкстайть крсатнень?!

Хозяйкась, конац куломшка пельсь крсада, эводсь, и Кри-Крись тя ёткова мярьгсь:

— Мон сем бонь сясва эсь лангозон. Тон аныцек тят яка подвалу, вов и сембе... А мон монць сембе плакатнень лихнесайне, хотя, эряви азомс, Тьер господинць Дюшен Отецть образса сяда похож эстейнза, чем тя портретса.

Дидье авась йорась лац-ряц отвечамс цёранять пейнь пореманц каршес, но вдруг кие-бди чаказе кенкшть и шорясь тяди.

— Кие тоса нинге! — кяжиста мярьгсь сон.—Кинь нинге кандозь сей? Архт, Кри-Кри, панчк кенкшть.

Кри-Крись аф охотна мольсь кенкшти; сон оцю радостьса няезе Марить, эсь кельгома ялганц, панчфонь од мишендить.

— Мари! Конашкава цебярь, што тя тон. Шумбрат!

— Мезе кулеть Мадлэнть колга? — кизефтезе стирнясь, мзярда лиссь Дидьесь.

— Сонь колганза мезевок ашезь кулев ... Тейне минутавок аш кода лисемстя проклятай кафеста. Нльне Дидье мадамсь сембе сонь про-

стойшинц мархта, арась стама подозрительнайкс, што сави эздонза пелемс. Тейне ош кода лишнайксть модемс Жозефти.

— Кда ба содалить, Мари,—корхтазевсь Кри-Крись,—мон долженан мяньцевомс нят палачнень инголе, забавляндакшнемс синь. Мадамсь веши, штоба мон морселень тейст моронят. А прясон монь аныцек фкя мяль: кода ванфтомс Жозеф батязень.

Дидье мадамть пилес сувай вайгялец:—Кри-Кри, пинге ни панжемс кафеть,—лоткафтозе синь корхтамаснон.

Кри-Крись панжезе кенкшть, и кафесть курокта кармась пяшькодема посетительда, конатнень йоткта няевсть версальская офицерхне. Столнятне курокта ульсть заняфт. Кри-Крись примсесь закаст, проворнаста ласькондемок шранятнень ёткова. Вдрук сон лоткась, кирдемок кядьсонза бутылка мархта подносонц, сон кулхцондсь, варжакснесь сембе шири.

— Гарсон, дай бутылка содовой,—марявсь авань вайгяль. Кри-Крись комотсь шранять ваксс, коса ащесь цебярьста наряжаф вуальса вельхтяф ава. Сонь шелковой блузкасонза ульсь валда-якстерь гвоздика. Дамать приятнай вайгялец цёраняти кулевсь содафокс.

— Тон анать содовой, мадемуазель?—сятявняста кизефтезе Кри-Крись.

— Пожалоста, да сяда кельмоня. Седице Кри-Крить тянь эзда тотназевсь.—Неужепи... Аф, аш коста улемс...

— Мадлэн! Тя тон! Тясат? Тон живоят? Кодама счастья!

Но Мадлэн, шамань апак полафтт салаване и сидеста корхтазевсь:

— Минь тонь мархтот аф знакомайтяма, Кри-Кри. Мзярдонга

ашеме васетькшне. Тя важнай, пяк важнай, минь тевоньконь инкса, Жозефть инкса.

Мадлэнти ашезь сав нинге весть азомс сяка валонзон. Хоть Кри-Крись и ашезь шарьхкодь кода сон тихтедсь тязя, но шарьхкодсь, што сон тяза ащи аф стак, и сонь кафеса ащемац сотф Жозеф батянц мархта. Максомок кельгома поклон, Кри-Крись эстакиге тага арась меки официальной подавальщикокс и ласьксь омбоце шраняти. Сон пяк йорась содамс Мадлэнтъ планонзон, корхтамс Жозеф батянц колга, арьсемс, кода улемс сонь мархтонза, но сон шарьхкодезе, што тяни аф пинге. Кри-Крись кенкшть ваксса нйсь од посетитель и эрязста нежедсь малазонза.

— Гражданин, тон вешендят шраня? Пожалуйте! Тяза шава. Ванфс, фигурас и шамас коря Кри-Крись шарьхкодсь, што посетительсь иностранец. Сонь лангсонза ульсь цебярь сенем костюм, прысонза лац ащесь пиндолдыаф сери цилиндр. Наверна, тя ульсь иностранной сят купецнень эзда фкясь, конада Парижть сембе мирть эзда аерфтомдонза меле тяза эрь шиня иляткшнесь кржа и кржа. Иностранецсь оцю беспокойства мархта ванондсь ширьге и кинь-бди вешендсь. Кри-Критъ мялецоль няфтемс Мадлэнти, што сон машты эсь прынц кирдемонза и цебярьста пяхкотькшнесыне эсь обязанностензон, усердна кармась иностранецть мархта корхнема:

—Тяста тейть сембось пяк цебярьста няеви. Курок сайхть музыкантне, тяста лац кулевихть синь морамасна. Кеветие минутада меле ушеды программась. А снярс, мезе тейнтъ кандома?

— Вискат и содат, —люкштядезе

прынц иностранецсь. Сон озась ся стулть лангс, конанц тейнза путозе Кри-Крись, но сон минутада меле стясь, озась лия стул лангс и шаманц шарфтозе кенкшть ширес.

— Ишь, кодама чорт! Ашезь ту мялезонза, озась иляс!—думандась Кри-Крись.

Аф содафсь серьгадезе сонь сурса, штоба цёранясь шаштоль сяда малазонза.

— Азк, цёрай,—тошказевсь сон Кри-Критъ видеста пилезонза,—тяза ашезь сашенда ава оцю мазы панчф мархта, гвоздика тинь лацонт мярьгихть.

Кри-Критъ ронгоц эшелхт мольсь:—Неужели тявок шпион! Сон, значит, няезе Мадлэнтъ. Тейнза содаф, што Мадлэнтъ мяштьса гвоздика. Сон тяза, штоба сонь фатямс.

— Кри-Кри, тязя!—кярозе кожфть Дидье мадамть вайгялец и аерфтозе цёранять талмаскатф мяльхнень эзда.

— Мон тейть закажу сода мархта вискат,—отвечась сон иностранецти, и... вешса гвоздика мархта даматы.

Кри-Критъ нинге ашель точнай планоц и ласьксь хозяйкати. Шаштомс эстакиге англичанть эзда Мадлэнти, тя значит содафтомс сонь, но таргсемс тевть—тяфта-жа ашель кода... И вдрук сонь кенярьфтезе счастливый мысля. Кальдявста кулхцондомок хозяйкать указоваманзон, Кри-Крись комотсь Марити, конац афсмелста мишендсь „Веселый Сверчокъ“ инжиензонды панчф букеткат. Курокста пцтай эряскадозь, пелемок имафтомс хоть фкя минута, сон мярьгсь Марити:

— Мадлэн шиса, сон тяза, но тейнза грязяй опасность. Сонь вешендсы шпион, конац прынц лувондсы иностранецокс. Аде! Катк

кептерняцень тязя. Мон сонь мельганза ванан.—Нят валхнень мархта Кри-Крись путозе уженяти Марить кептерняц, таргась сонь эздонза оцю гвоздика и щафтозе сонь стирнять кружвань воротникозонза.

— Аде, аде, мон тейть семольде сембонь азондса.

Марись, конад фалу верондакшнель эсь кельгома ялганцты, апак корхтак тусь сонь мельганза. Шранятне ульсть сембе заняфт, и Кри-Крись вихца ётнесь синь йотковаст, аропнемок ки Марити.

—Тейть мезьянвокаф ули, малютка—нинге весть мярьгсь сон, мзярда няезе стирнять серьезнайста ащи шаманц.

—Аньцек Мадлэнти максомс пинге ворьгодемс тяста. Тянь мон сьваса эсь лангозон.—Мари шарьхкодезе сонь и люкштядезе прянц. Вятмок Марить англичанинть шранянц ваксс, Кри-Крись прянь люкштядезь няфтезе стирнять.

— Вов, мосье, гвоздика мархта дамась, конанц тон учсеть. Пожалоста,—шашфтсь Марить ваксс стул и мярьгсь стирняти:



— Озак, мадемуазель.

Иностранецсь вежливайста стясь и сюконясь Марить мархта. Кри-Крись решил, што сась пинге азомс опасностть колга ладта Мадлэнти. Сон кадозе Марить, корхтамок эсь пачканза: —Марись вдь ёфси аф опытной. Тейнза аф кирдеви ламос иностранецсь.

Мадлэнти молема Кри-Крить сельмозонза повсь Марить панчф мархта кептернянц. И эстакиге сон шарьхкодезе, што бедаста ули кода лисемс. Мадлэнць может аф пелемс. Кри-Крить кядьса спасениянь средства. Сон таргась кептерняста якстерь гвоздикань пучоконя и сельгонь прамс сязезе сотксть. Йотнемок шраняста шраняс, сон лотксесь сятнень малас, конатнень ваксса ащесть дамат, и весяласта пшкятыкшнезь, венепнесь тейст якстерь гвоздиканят:

—Тячиень илядьть ознаменовандаманц инкса, „Веселый Сверчок“ кафесть эняльди тейть сьвомс лятф-нема пяленди тя панчфкять.

Ашезь ёта вете минуташка, кода, Кри-Крить оцю радостенцты, сембе даматне фкянянь пес, ульсть наряжафт якстерь панчфса. Дидьеть коданга ашезь кирдефт кенярдемац. Сон ульсь пяк кенярьтф, мзярда няезе, конашкава цебярьгадсь кафе-сонза тевсь и кода тянди лезды Кри-Крись.

— Молодецат, Кри-Кри! Конашкава тон шарьхкодят. Мон ба коданга афолень шарьхкоды!

Тянь каршес ответонди Кри-Крись венептсь гвоздика Дидье мадамтиге, ненавистнайста кяшмок панчфса хозяйкать мяштьста колма цветса архтф кокардать. Сон ласьксь Мадлэнти и тошкась:

— Тонь вешентянза кодама-бди сыщик. Тейть тьяста тумс эряви.

— Мезе тон корхтат? Мезе?



Но Кри-Крись ульсь ни ичкозе. Сон решил кулхцондомс, кода моли тевоц Марить англичанть мархта. Сон кенерсь эсь пингстонза. Корх-тамасна, кода няевсь, ашезь ладсев. Англичанинць мярьгондсь:

— Тячи пяк пси ушесь, м-ль. Мес тон аф симат?

Мари йофси ашезь машта кувал-гафнемс корхнемать. Талмаскадомать сюнеда сон ашезе сода месть тиендемс и суронзон мархта капшась панчф лопанятнень. Англичанинць движениянц примазе условнай знак-окс, путозе кяденц Марить стулонц фталу и мярьгсь:

— Монь кучемань Маркс господинць, шарьхкодеть?

Марись мезнявок ашезь шарьх-кодъ.

— Ся нинге кодама стама Маркс!— Аш, тяфтама беседати нльне сонць Кри-Крись апак аноклаколь. И сон тусь Мадлэнтъ шранянц ваксс.

— Тон нинге ашетъ ту,—эводезь мярьгсь тейнза.—А тейть сяда ку-

рокона эряви тумс. И гвоздикать валхтк. Хоть и мон наряжайне панчфса сембе дама-тнень, но шпи-онць пяк ёжу. Мзярдовок тяфта-ма ашень васьфне. Дай тейнза гвоз-дика мархта дама-ть, и сембе. Да нинге думандась кодама-оди Маркс.

— Кода тон азыть? Маркс!— Мадлэнтъ волновандазь эстакиге комотсь вастстонза.

— Ну, да, Маркс, но тят пель, минь Марить мархта ашеме эводъ.

— Мезе тон тиеть, Кри-Кри, вдь тя аф шпион. Тя англичанинць лезды тейне-к вантфтомс Жозефть. Сяда курокона ласькк тейнза, азк, што панчф мархта дама-сь, ко-на-ц тейнза эряви, учи-сонь эсонза ка-феть кенкш лангса.

— Тят пель,—смущеннайста корх-тась Кри-Крись.—Мон маштан петнемост эсь эльбятксонень! А сембе сяка тейне эряви содамс кие стамсь Маркссь?

Мадлэнтъ ужьяльдезь ванць це-ранять лангс.

— Бедняжка, Кри-Кри, тон аф содасак, кие стамсь Маркс! Тяни аш пинге, но мзярдовок азондса... А тяни, тяни курокона няемс ся ломанть мархта, конань сон куче-зе. Получак монь кядьстон, мзяра сави, нарошна кайгиста прибавазе сон.

— Пожалуйста, м-ль,—мярьгсь тейнза Кри-Крись, и мельганза кельгозьне ивадсь—эняльдяма аф юкснемс минь кафеньконь...

Тяни Кри-Крити эрявсь петемс англичанинть мархта историять; но тя пяк ашезе беспокоинда сонь. Сон мо-льсь англичанинть ваксс, макссь Марити кяденц мархта знак, што может тумс, ков мялец и мярьгсь:

— Гражданин, настоящей дама-сь, настоящей панчф мархта дама-сь,



учи тонь эсот кафе кенкшть лангса.

Англичанинць эстакиге шарьхко-
дезень Кри-Крить валонзон. Сяда
курок пандозень ярмакнень, мзяра
сонь кядьстонза савсь, кепозеде
цилиндраниц и мярьгсь.

— До свидания, мисс.

Марись тѣждяста таргазе вай-
монц: — Вов чудаксь! И кодама
нинге Маркс эрявкстсь!

Кри-Крись кельгозь варжакстсь
Марить лангс, Сон лац марязе Ма-
рить лангсонза эсь превосходст-
ванц, старандамок корхтамс Мад-
лэнтъ лаца, сон мярьгсь:

— Беднай Мари! Тон аф сода-
сак, кие Маркс? Тяни аф пингено
мзярдовок... мон тейть азондса...
Тяни содак фкя: Жозеф ули ванфтф!
Кодама всетаки цебярь эряфсь!

* * *

Омбоце шовдаване, мзярда ка-
фети сась Марись и Мадлэнтъ эзда
Жозефти кандсь пакет, Кри-Крись
ни пцтай сембонь шарьхкодезень.
Тяни сон содазе, што Интерна-
ционалть Генеральной Советоц

Лондонца и Маркс, сонь организа-
тороц, тевса лезды коммунархнеди
ѣтамс нелегалнай положенияс и
ворьгодемс иля странас сянкса,
штоба ванфтомс борецнень сяда то-
волдонь движенияи сянкса, штоба
тиемс подходящай условият про-
летариатть од тюреманцты.

Инь надежной и вернай доку-
ментокс сянди, штоба мянемс Фран-
цияста иля странас, ульсь кодама-
вок иностранецонь паспортсь. И
Маркс сонць заботендась паспорт-
тнень колга, кучсезень синь содаф
купецнень вельде.

Ся Маркссь, конань колга Кри-
Крись тя пингс мезевок ашезь сода,
тяни тейнза арам пяк лац содасы и те-
енза арась инь маластонь ломанькс.
Сонь эздонза мольсь спасениясь
Жозефти и Мадлэнти. Конашкава
касф мяльса Кри-Крись ванць за-
граничной паспортть лангс, конац
кучфоль сонцень „Маркс госпо-
динть“ ширде;

Сась ся частсь, мзярда Кри-Крити
савсь аердомс Жозефть эзда. Сон


жаднайста кулхондсь Жозеф ба-
тянц валонзон. Цёранясь эряска-
фтозе сонь, максемок тейнза
лама кизефкст... Сон йоразень со-
дамс сембонь сразу, Жозеф ласко-
вайста лоткафтозе Кри-Крить.

— Ащек, Шарло, тят зряскад.
Тят учсе монь эздон ответт кизеф-
кснень каршес. Современникненди
фалу эряй сята трудна кирдемс ся
событиятнень колга корхтаматнень,
конатнень эса синць ульсть уча-
стникокс. Но кой-мезе мон все-таки
тейть азан.

— Да, дружок, лама шумода минь
лангсонк, коммунань члеттнень
лангса, сонь имаманц инкса. Минь
ашеме ёра токамс государственной
банкть сокровищанзон. Минь пяк
ни церемонендакшнеме буржуй-
хнень мархта... Шпиоттнень минь
ужяльдеме. Минь ашель сатомшка
решительностеньке. Минь пелеме
наступлениять эзда, мезень колга

пьяк мярьгондсь Маркс и сонь кель-
гома ялгац—Энгельс. Мон кирдень
синь мяльснон, но улень пяк ни
слабай. Монь вайгялезе ашезь ку-
лев.. Варе тихтедсть сят, кит вешть
аньшек сянь, штоба араламс пря.
А тянь использовандазе Тьер. Да,
Маркс гениальной ломань,—сон
содазе и нйись лама инголькиге.
Минь ашеськ кулхцонкшне эсь
пингстост сонь валонзон. И вов
результаттне! Коммунась тапаф.
Мзяра жертвада! Но минь тевоньке,
ашезь има стак: модась, конац
симтьф минь ялганьконь верснон
мархта, максы эряф од борецненди.
Синь кядьсна кирьдсазь минь зна-
мяньконь. Тон павазуват, тон эрят
ся пингть самс, мзярда Франциясь,
а пади иля страна, пачфтьсы педа-
пес сянь, мезе ашезь тиев тейнек.
Мувихть ломатть, а пади, ломань,
конац арай пролетариатти насто-
ящей вождекс, конац прядсы сянь,
мезе аньшек ушедоме минь.

(Пец, Ушетксони ванк 3-це №)



СНИМКАСА: Саранск ошень ДТС-нь радюкружоконь члетне Карташев Ваниясь (кяржи
ширета) и Медяников Анатолийсь кочкайхть радиоприемникть.

Фотохь Сидорючекть.

Отрядонь председателсь Морозов Павелсь

Шобдаса Павел приметась орта-ти малаткшни фигура. Сон эстаки-ге шарьхкодсь, кие тя сери, кели лафту, аф пях ширемкшни фкя пиль-гонц лангс, ломанць. Цьоранять се-диец канзедезь тотназевсь:—тага алязьти моли кубанецсь!

Павелсь кирендезде сядзатонц и озась заборть ваксс. Сонь вакскан-за пелезь, ширге ванондозь сала-ваня нулхтадсь калиткав храмойсь.

Тоса цьоранясь марязень кры-лецть цяторфонц и алянц аф шарьх-кодеви вайгяленц. Тяда меле шум-назь хлопадсь кенкшсь.

Минуташка Павелсь ащесь ки-рендьфста. Кодя тиемс? Кинди азомс, што кудозонк алязьти якай кулак, сятнень эзда фкясь, конат-нень йотафтозь сей, Уралть север ширезонза сяс, мес синь вятсть вредительства колхознень каршес.

Местеме сон якай? Может эря-ви? Мес алязе сидеста илять куч-селемазь сембонь атязень шири пялге и лядондсь куду ськамонза?

Вдрук цьоранясь решительнай-ста сускозе трванц и тусь ласькозь крылецти.

Шобдаса уфась вишке вармась. Вишкста и глухойста урокодсь аф ичкозе ащи тайгась. Аф лама оцю каплянят прасть цьоранять шаманц лангс. Ушеткшнесь пизем.

Старандась аф тарксемс вай-монц, саворне йорась панжемс кен-кшть, но вармась нельгозе сонь кядьстонза кенкшть и дуборфса панжевсь. Арьсемс сядя ламос ашель кода фкя секунда.

Ряцок кенкшть мархта ульсь

пьянаклангсь, коса фалу Павелсь удсесь брадонзон мархта. И тяни сон привычнайста тьождяста ко-мотсь пьянаклангс и кирендезь мадсь, старандась улемс кода можна йомланякс и аф няевикс.

Вармась стукиесь кенкшть.

— Кие тоса?—марязе Павелсь ку-банецть эвотьф вайгяленц. Тоса марявсть алянц аф кеме стака ась-колксонза.

— „Танга иредста“—Арьсесь цьо-ранясь. Аляц варжакстсь перьф-пальге и хлопадезе кенкшть.

— Вармась,—кашкомфста корх-тась сон и мрдась шрать ваксс.

— Вов бурясь!—куфкстсь куба-нецсь.

— Кодя жа, Трофим Степаныч? Аляц аф ламос учсь.

— Кржа макссетяда... Сявить нят кафта каготкятнень. Ватт, сей фа-милиятнень сьормадсаенть тинць.

— Аньцек кафта?

— Мзярда илядыкс ярмакнень макссайть, эста нинге получатада.

— Ну добре,—стясь кубанецсь. Ульхть шумбраня, Трофим Степаныч!

...Кеветиешка минутада меле цьо-ранясь салаване нолдазень кияксу пильгонзон и пелезь ванць пьяна-кудть фталда.

Аляц венемфста удось кроватть лан-гса и крнась. Кургоц сонь ульсь панжада, усасонза ульсть кши па-морькскат. Павел марязе вина ши-неть.

Сонь тотнась седиец. Пильге сур пря лангса шаштсь сон шрати, ко-са ащесь алянц котфонь портфе-лец, и ванць потмозонза.



Вов! Лама аф оцю тетрадень листкат... Эрь листкаса ульсь сьорматф:

„Удостоверение

Дано сие гр. деревни Герасимовка, Тавуинского района, Уральской области в том, что он по своему желанию уезжает с места жительства. Задолжности перед государством не имеет, по социальному положению — бедняк.

Подписью и приложением печати вышеуказанное удостоверяется.

Председатель сельсовета.

Т. Морозов“.

Павелсь ащесь фкя вастса. Сонь вачкадсь улоц. Сембе шарьхкотьф: ня удостоверениятнень алязе мишеньдсыне сосланнай вракненди!

Цьоранясь вдрук кайгиста летнязевсь, портфельсь шумса прась кияксу. Аляц кеподезе прянц и сялгозень мутнай, аф шарьхкоди сельмонзон цьоранянь лангс.

— А?

Павелсь люпштазе кядьсонза листкять и тусь ласькозь пирьфи.

Трофимсь комотсь, няезе киякста портфеленц. Эводемать эзда сонь шамац арась илякс.

— Пашка! Пашка! Лоткак, подлец! Пашка-а!..

Фкя аськолксонь комотемаса сон лийсь пороги, пильгса тутмадезе кенкшть и ламос ласькондсь пиземть ала..

— Паша!.. Паша-а!.. цьораняй! Родимай! Тямак губинда.

* * *

Тяда меле ульсь суд. Сась сембе Герасимовка веленясь. Инголе йофси шрать ваксса ащесь якстерь галстукса цьоранянь группа. Тя ульсь герасимовская пионеронь отрядсь. Фкясь свидетельхнень йоткста ульсь пионерская отрядонь председателсь. Сон пяк волнован-

дась и, штоба аф аварьгодомс, веронь тумс сускондозе трванц.

— Судья щеняй, — мярьгсь сон, — мон тяни корхтан аф кода алязень цьорац, а кода пионер... Мон, судья щеняй, разоблачил эсь алязень, сяс мес сон советский властть врагоц и предателец..

Морозов Трофимть судендазь кемонь кизонь пингс пякстамс.

... Ульсь илядь. Татьянась идензон мархта ащесь кудса. Аф цебярь арьсематне тревожазь сонь: кода эрямс мирьдфтема? Ниле иденза, фкясь омбоцеда йомла, Паша, Федя, Алеша, Рома.. кода синь трямс и шамс?

Панжевсь кенкшсь. Тя Павликть гедянцты Татьянати сась Серега атясь — Трофимть аляц. Сон эрясь ряцок синь мархтост эсь кудсонза. Марса Серегать мархта сась Павликть 19 кизоса двоюроднай брадоц Данилсь. Данилсь идькс пингстонзакиге воспитандакшневь атянц ширеса.

— Атяй! — кенярьтфста пшкядсь Павелсь и ласьксь атянц каршес. Сон ульсь Серегать кельговикс унокоц. Но тяни атяц нльне ащезь варжакста цьоранянь лангс. Сон ащесь кенкш порогть ваксса и сонь аф ламода коньф сельмонзон эса няевсь оцю кяж.

— Атяй.. — эвотьфста мярьгсь цьоранясь и потась меки.

Атянц копоренц фталда няевсь Данилть тьянняя шамац. Сон савор корхтась:

— Алянь предательть мархта аф корхтатама!:

— Татьяна, — кашкомф вайгяльса мярьгсь атяц. — Тяни тонь азорце аш. Мон старшайкс илядонь, мон улян азоркс. Марясак? Эряви минь хозяйстваньконь шовордамс.

Татьянась тревога мархта варжакстсь цьоранц лангс. Павелти

ульсь сембоц 13 киза, но тейнза сон верондась. Ламоксть сон шовда иляттень пингста коптилкань валдса лувонкшнесь тейнза газетат, азонкшнесь колхозть колга, конашкава колхозса цебярь эряфсь. Но мзярда кармай улема тя колхозсь? Мезе азомс атяти? Шоворемс—тя значит батрачендамс тейнза. Сембе велесь содасы, кодама живодер Серегась.

— Ну? —атясь учсь.

— Тядяняй! —вдрук кайгиста ювадсь Павелсь.—Тят шоворькшне! Курок велеса кармай улема колхоз!

Татьянась шерьфтезе прянц цюоранянц каршес и саворста мярьгсь.

— Тейнза сяда няеви...

Атяти стака ульсь корхтамс, сяшкава кяжи ульсь сон:

— Вачеда здохаттяда!—и лиссь Данилсь, шуказе клоконц, грязязе Павелть:

— Алянть предатель! Учт, пионер, минь нинге сязьсаськ пряцень!.

* * *

Герасимовкась—веленясь йомланя. Перьфпяльге тайга и болота, машинакити 50 километрат. Народсь веленяса, а сембода пяк аватне, ульсь шкайнди верондай, сьормас кржа содай. Врагсь нолдась веленянь эзга куля, што сембе пионерхнень сясвась войнас. Тяда меле пцтай сембе аватне афолезь нолне идьснон отряду. Илядсь эзонза аныцек 11 пионер.

Нят ульсть инь цебярь, инь эрек герасимовскяй школьникне. Синь дружнайста работасть. Павелсь маштоль пяк всякайнь арьсема. Кда праздник шиня иттне срхксесь походс—вири, эрьхке лангс—значит тянь сон арьсезе.

Ся шиста сявомок, мзярда арестовандазь алянц, Павелсь арась ся-

да аф корхтайкс и фалу мезе-бди арьсесь, мярьгат сразу кассь. Да, тяни сон семьясост ульсь инь оцюсь. Сон пяк лезнелъ тядянцты хозяйстваса, яксесь йомла братканзон мельге и ингольцекс аккуратнайста яксекшнесь пионерскяй сборхенди. Нинге сяда пяк кармасть пионерхне кельгомонза эсь председателсьнон.

Малаткшнесь сёксесь. Пионерхне сьорматкшнестъ хлебозаготовкать колга лозункт и плакатт. Койкона ортатненди синь петфнестъ сире газетат, конатнень эса черниласа сьорматкшнефоль: „Тяса эряй сёронь кяшенди“.

Павелсь содазе, што Кулакановсь лувондовсь фкя инь козя герасимовскяй кулакокс—кяшезе кшинц ямас. Отрядсь тянь колга пачфтсь куля велень совету. Омбоце шиня Павелсь няезе заборть фталда, кода атяц кяшезень латалонза Кулакановть вещанзон. Мезенди кяшендемс паршить суседонь шири? Значит пели, што сонъ раскулачендасазь.

Омбоце шиня Серега атятъ пирьфсонза милициясь тись обыск.

Поздна ветъ Кулакановсь сась отрядти.

— Мезе тиёмс?—лажназь пшкядсь сон

— Сонь сельмонзон эзда ковонга аф кяшеват!.. Атясь вдрук комотсь вастстонза а ивадсь:

— Шавса!

Ксения бабась апак корхтак озондсь. Кулакановсь саворгофтозе вайгяленц, шарфтсь Данилти.

— А виде, ваномс мельганза и раз! Питниста пандан, Данила... Эняльдянь, тийхть милость...

* * *

Сёксесь золотойгофнезе тайгать. Ащесь сетьме, мани шит. Болотаса

кенерсь клюквась, кяскавса и кептерняса ламонест яксесь ягдас.

Обедшкада Серега атять шири лякозь ласьксь Данилась.

— Тусь болота в!.. Клюкванкса...

Атясь стясь, якась киякс кувалма, тошказь корхтась мезе бди кувака и аф шарьхкодеви.

— Ксения, — тошказь корхтась сон, — дай тейне сонь...

— Мезе? — ашезь шарьхкодь бабанясь.

— Пеельть.

И, аф учсемок, сонць таргазе шкайхнень фталда пеельть и венептезе Данилти:

— С богом!

Данилсь порсь пейнзон:

— Атяй, сон аф ськамонза... брадонц мархта...

— Кинь мархта?

— Федькать...

— Кафцьконь! Архт, корхтайхть тейть! Лоткак! Монга молян мархтот.

* * *

Тяфта шавфт герой пионерсь Павлик Морозовсь и сонь кафкса кизоса брадоц Федясь. Народонь врачнень тя страшной преступлениясн колга кулясь курокста пачкодсь сембе Советский Союзть эзга. Аф лама

шида шавомдост меле тейне савсь модемс Герасимовка в. Шавихне — Кулакановсь, Серегась, Данилсь и Ксениясь — ульсть ни арестовандафт. Синць велеряйхне кундазь и вьтезь районной центрав. Курокста пролетарский судсь судендазень синь ляцемс.

Павликть инь цебярь ялгац Юдов Яшась вьтемань монь вири. Фкя аф оцю луганяса, конац ацаф тюжя лопаса, минь кочксем пяррьф ягдат.

— Ватт, — савор вайгальхть мярьгсь Яшась и шарфтозе шири шаманц, — тьса синь шавозь.

Минь ламос ащеме апак корхтак. Тоса сон мярьгсь:

— Паша ульсь... пионер! Шарьхкодят, аф проста пионер, а... пионер... настоящей.. мон сембе эсь эряфозень пингста старандан улемс сонь лацонза.

Тянь колга сьорматкшнесть „Пионерский правда“ и „Колхозные ребята“ газетатненди сембе Советский Союзста. Синь мяльсна ульсь улемс стамкс, кода Павлик Морозовсь. Кода Павликсь, ненавидеть врачнень, кода Павликсь, кельгомс Ленинонь — Сталинонь великай тевснон и тюремс сонь инксонза.

Виталий Губарев.

Карзи

(Рассказ)

Романць пяк ванфтозе эсь карзиенц и макссезе морамс аныцек школьнай ялганцты Сашати, но эрь максомста корхнесь тейнза:

— Ватт, так нарта канифольть!

Сашась ванфтозь сявондезе кядезонза инструментть, сюдерязе лаккокс пиндолды шуфтть, валомня токсезень струнатнень, весяласта ванфтозень голубой сельмонзон и кулхцондсь.

— Сяда цебярь гармошкать коряска, мярьгсь сон, мзярда васенда кульсь карзить чудеснай вайгялензон. Оцю похвала учемс ульсь трудна—веленяса самодельнай свире-

льса кивок ашезь машта сяшкава цебярьста морама, кода колхознай постуфсь Ермошкась.

Романць лама киза ни тонафнесь музыкати Иван Игнатьевичть—школьной учительть ширеса. Васенце пингсь ульсь трудна, но аляц кепсезе мяленц:

„Тонафнек, — сидеста корхнесь сон цёранцты,—молят консерваторияв“.

* * *

Велень улыцятнень эзга, конат кашт ашесть мошь кизонь псить эзда, Романць мошь музыкань учительти. Равжа тёждяня футлярса сон кандсь эсь карзиенц.

Цебярь ба улель тяни сувамс ляи, эшлямс кельме ведьянса, асядонга цебярь ащемс штурвальной шарыть ваксса комбайнать лангса и кулхцондомс, кода шумнай сёрось, кода увной машинась. Мзярдовок, мзярда сон арай настоящей музыкантокс, сон сёрмады симфония паксятнень, коласнень колга, конат морайхть пяк мазы мора...

Романть мяленц шарфтозе Колдобин колхозникть кудоц. Кудть панжада вальмаванза лиссь туста качам. Романць ласьксь сяда малати, но мезевок ашезь ний. Эста сон ряф-



цодозе кенкшть—кенкшсь ашезь панжев.

Мезе тиймс? Цёрась куроқта арьсесь: сяда келиста панжемс вальмать и комотемс вальме лангс.

— Кие тьса?—ивадсь сон, ляпиякшнемок качамть эзда. Кивок ашезь пшкядь. Романць щупазь нежедсь кенкшть малас. Эряволь куроқта прафтомс кенкш пькстамать, но кядь сонза ульсь карзиец. Цёранясь ванфтозь путозе сонь кияксу, куроқта панжезе кенкшть, эрязста лиссь ульцяв, жаднайста нильсь кожфта—и танга куду. Тяни сон кроватть лангста мусь кинь-бди кяденц. Вийфтема, цють кулеви вайгяль тошказевсь:

— Ванюш!..


Романць шарьхкодсь: Колдобин атьсь тернесь уноконц. Но коста вешендемс? Пянаклангста, кроватть алда? И вов шрать алда щупазь мусь идь и лихтезе ульцяв.

Кода сон лихтезе атьять, коста лиссь сняра вийсь, кивок аф содасы, аныцек сей ласькф ломаттне музь синь юрнай кудть вакста колмицьконь боком ашезь, синь ульсть бта кулот.

* * *

Мзярда Романть састь разомонза, васенцесь, мезе лядсь сонь мялезонза, ульсь карзиец. Сон ёрась ёрдамда пря палы куду, но толсь фатязе ни кудть сембе ширде. Ломаттне ласькондсть сей-тов, канесть шочкт, вещат. Колхознай бригадирсь Кузьма Михеевичсь, сон жа пожарной дружинань начальниксь, максесь, оржа нюрьхкяня приказанят.

Ниле цёрат дружнаста качандасть пожарной машинать, кувака рукавти айдясть ведь. Ведь шудерксясь пиндолды кинжалкс вешкозь и кяжиста тжназь сувась толть пот-



мос, кярсезе сонь пакшень-пакш, глушиндакшнезе...

Суетиндай ломаттнень ёткась ськамонза алу нолдаф прят ащесь Романць. Сон ванць аныцек ся вастти, кога тьада инголе ульсь куд кенкшсь, а тяни тоса порядкаптома ащесть седи шочкт. Цёранясь ашезь кирде и кайгиста урокодозевсь. Бригадирсь Кузьма Михеевичсь сонь ваксканза ётамстонза шарфтсь тейнза.

— Тон мес?—кизефтезе сон.

— Или ужяль кивок? Сембе ломаттнень идезень...

— Тоса... Тоса карзизе,—сельме ведензон нардама ёткова отвечась цёранясь. Бригадирсь кати шутендазь, кати серьёзна мярьгсь эсьтейнза „голова“ и эрязста тусь. Коймзяра минутада меле сон мрдась меки, кядьсонза кирдсь Романонди знакомай равжа футляр.

— Тонь?—кизефтезе сон, и яснай мзелдомась валдоптозе сакалу ша-

мать,—мон мзярда врыгятень кудын-голи, васендакиге муйне сонь...

Романць фатязе карзить, люпш-тазе мяштезонза, сельмонза сонь ванцьт весеяласта.

— Ну, мес жа аф корхтат, пади аф тонь?—Хитрайста ванондсь цёранянь лангс и мярьгсь Кузьма Михеевичсь. Сяда меле арьсезь танга корхтась:—Молодецат, цёра! Ломанць сонь эздонза лиси вов кодама!

Штоба кемокстамс эсь валонзон, сон кеподезе вярй кяденц, аф ламос кирдезе сонь, танга весть варжактсь Романть лангс и тусь пожарной машинать малас цёратненди азомонза, штоба лоткальхть ведень качандамда: пожарть матозь.

* * *


Кемоста кирдемок карзи мархта футлярть, Романць эрызста тусь Колдобиттнень кудснон ваксста, ломат-

тнень ваксста, конат нинге суетиндасть пожарть маласа. Молебачк лихтезе футлярста карзить. Ашезь кирде—а вдруг сон лоткась кайгомда кода инголи.

Тусь сяда тов. Мзярда ашесть няев ломаттне, Романць путозе нарнянь лангс футлярть, кеподезе улалонза карзить, смычоксь токась струнатненди.

И вов шудезевсь сембе ширьге морось... Аф, аф мора—тя кайгсть пайгонят, вярй менельса морасть жаворонкат, люборьфтемok пацяснон...

И ков сяда ламос морась од музыкантсь, тов сяда увереннайста якась смычкась, сяда вишкста шашнесть шуваня суронза струнатнень ланга, музыкась ичкози шудесь панжи паксятнень эзга, вишкста лийсь валда ошненди, кепсесь вярй, вярй...



СНИМКАСА: Саранск оиень ДТС-нь юнай натуралисттне Ерофеев Колясь (кяржи ширеса) и Перушков Володясь ванондыхть лунань пачк кутюнят.

Фотось Сидорочеть

СТАЛИНТИ

Шиське монь лангозон
 Пейдезне ванць,
 Сёрмады кядезти
 Нолнесь лучат.
 Эх, и мон кельгса
 Шить золотань валдонц.
 Седизе радостти
 Мяштьсон стукась.
 Кефкие киза мон
 Эрянь нужаса,
 Попонь молитватне
 Седизень порсть.
 Тяни мон сёрмадан
 Панчфнень кучкаса,
 Сёрмадан радостнай
 Мокшень од морхт.
 Сёрмадан паксятнень,

Ляйхнень и вирьхнень,
 Конат трудяйхненди
 Вечна ни максфт.
 Сёрмадан тяниень
 Радостнай стирьхнень,
 Сталинский садса
 Синь мархтон
 Монь кассть.
 Лиеда, валне,
 Тинь кинте аф пиряф,
 Азода Сталинти
 Кельгома вал!
 Тись сон трутяйхненди
 Павазу эряф,
 Дуцятнень фталда
 Сон штафтозе валдть.

Джамбулти

Акшенят панчфкятне
 Марьлюфнень пряса,
 Сянгаре рощаста
 Нармоннясь сась.
 Шобдавань зарять сон
 Морсекшни тяса,
 Морасы радостнай
 Мази тундоть.
 Тяфта, Джамбул, тон
 Советский странаса
 Морсесак Сталинский
 Мудрай законть.

Эрясак векцень
 Почетнай праваса,
 Ленинонь орденца
 Казедязь тонь.
 Шиське тонь казнецти
 Йорай лучаса,
 Кельгомга валдопни
 Павазу мирть.
 Радостна морсят, тон
 Сталинонь садса,
 Морасак Сталинтъ—
 Великай батырть.





Шовдава

Зарясь кармась олама,
Валдомкшни востоксь;
Шинясь лучень ёряма
Кармась модать бокс.
Чофксне морайхть шовдавать,
Гайняфтсть панжи садть.
Кожфкясь палси мазы стирть
Якстерь щека прянц,
Конац моли эшити
Ведня канды шамс.

Шинясь ваны стирнять лангс,
Ерай сон шумбрамс.
Вирнясь кармась жойняма,
Шерьфни пиже прянц.
Кожфкясь пиже паксяти
Вирьста морнят кандсь.
Шинять сарду лученза
Эждема кундасть.
Шинясь тейнек лездома
Пеедзня сась.

И. Девин.

Сиде моронят

Брадозе весёлай цьорась,
Стахановец—тракторист.
Тяни армияв сон тусь,—
Ули цебярь сон танкист.

* * *

Армияса милказе
Границатнень ванцыне.

Сон войнань кровястихнень
Яду куйкс люпштасыне.

* * *

Вай, ялганяй, морака,
Мархтот монга моран.
Тядде Якстерь Армияв
Пара мяльса молян.

1938 к.



Мазы саттненди
 Прокс тундась ни сась,
 Марьюфне садса
 Панчфонь шамнят щась.
 Тяса пяк пара
 Тунда ащемась,
 Иттненди пара
 Тяса налхксемась.
 Саду пяк кельгсы
 Ванясь якаманц,
 Тяса ласькондезь
 Пингть ётафнеманц.
 Сон наряжафке,
 Садга ласьконди,
 Пара мяльяса
 Корхни марлюти:
 „Монга панжендан,
 Марлю, лацот тонь,
 Сяс мес Родинась
 Кельгсамань пяк монь“.



Пиже лугаса
Касыхть цяцянят,
Мазыхть панчфкасна,
Синь пяк весялат.
Велькссост синь шинясь
Лученят йорай,
Чофкскятне ётксост
Морняснон морайхть.
Тяфта Сталин-шись
Лучса Кремляста
Иттнень эжнесынь
Панжи странаса.
Сяс и синь мазыхть,
Кода цяцянят,
Вишкста пяк касыхть
И кельгсазь странать.



Кели вальмязень мон панчса—
Лаймось вальмалон нюрй,
Ловда акша панчфнень кожфкясь
Эше кядьса сюдерйй.
Вальмять эзга кожфкясь канды
Куду панчфонь шиненят.

Кенереме кармась ландышсь.
Акша ожнань, мярьгат, пряц.
Ару кожфса ваймай прязе
Мянь сентябрь ковнять самс.
Валом шерьхки лаймонязе—
Ерай вальмава сувамс.

В. Лобанов

Сиде моронят

Большевиконь партиясь
Панчсь трудяйти кели ки,
Мудрай Сталин вожденьке
Валдоптомазь, кода ши.

* * *

Мака панчфокс панжи странась,
Панжи большевиконь родсь.
Ётась лама кизот, кода
Шовдать эзда лиссь народсь.

* * *

Масторть эзга келес срады
Колхозниконь морозе.
Славнай командиркс служай
Кельгом Миша цёразе.

* * *

Миша цёразе кучсь сёрма.
Радостенц мондейне азсь,
Боевой заслуганкса
Якстерь Знамянь орден казсть.


Содасак ли мон?

* Индийскый океанца волнатнень сересна пачкотькшни 15 метрас, илякс мярьгомс колма этажса кудонь серес.

* Срахманць — тя оцю бедствия. Мзярда лувозь, мзяра сон тиенди вредта, то содазь, што эрь кизоня сембе странатнень эзга срахманць тапси 400 миллиот цалковайнь питне урожай.

* Японскый акулать икраняц кафксть оцю страусть алонц коряс, а страусть алоц мирса сембодонь оцю нармонень алсь.

* Комнатнай каруть эзда микроскопонь пачк муф 6 миллиотт бактерия.



СНИМКАСА: Саранск ошень 12-це № школаса ученикне (кяржи ширде види шире) Медников Анатолий, Простина Мария и Ерофеев Коля аноклайхть кормушка лямбе ширде саф нармттненди.

Фотось Сидорочекть.

СЪОРМАТФТОДА „ЯКСТЕРЬ ГАЛСТУК“

Пионеронь и школьниконь журналть лангс. Журналть нолдайнза: ВЛКСМ-нь Мордовский обкомсь и МАССР-нь НКП-сь. Журналсь лисенди ковти весть. Подпискать примосесазь сембе письмоносецне, почтовой отделениятне.

Питнец: 1 кизос 2 ц. 40 т.
6 ковс. 1 ц. 20 тр.
3 ковс. — 60 тр.

Редакциять адресоц:
Саранск, Советская, Дом печати.

„Якстерь галстук“
